

CASA  
\* DI E  
LINGUE

PRUGRAMMA **GHJENNAGHJU** > MARZU

# L'ATTORI SEDENTARI DI A CASA DI E LINGUE

## Fondation du patrimoine

A Fundazione di u patrimoniu, è a so delegazione corsa hè un urganisimu à ghjuvare pùblichu è micca lucrativu. A so missione hè di aiutà i prupietarii ch'elli sianu cullettività, particolari o puru associ, da ch'elli pòssinu investisce in Corsica. Stràdanu ogni prugettu per truvà i finanziamenti pùblichu è privati da chi u nostru patrimoniu culturale diventi opportunità d'impiegù, di scupertu, d'educazione è di leia.

## Praticalingua

L'associ Praticalingua hè un centru d'amparera è di pratica di u corsu in immersione. Hè un locu 100% cursòfunu induve vo pudete stà à sente, dumandà rinsignamenti o cunsigli è soprattutto mèttevi à parlà corsu à u vostru ritimu. Per scopre, per praticà o puru per tramandà chì l'impegnu di tutti hè preziosu. Sò più di 120 mòduli di furmazione scumpartuti in 40 attelli.

**Praticalingua Bastia :** ☎ 0788 165 135

## Réseau Canopé

Prima cunnisciuta cù u nome CRDP, a struttura Canopé di Corsica face parte di a Rete Canopé nazionale, dedicata à a furmazione

è l'accumpagnamentu di l'insegnanti. U Canopé di Corsica sò quasi cinquant'anni à u serviziu di tutta a cumunità sculare è di a lingua corsa : manuali, libri di fole, di puesia, filmetti, puntelli sunori, arnesi per tante materie, un lessicu ricchissimu è tant'altri puntelli.

## Scola Corsa

Associ di prumuzione di a lingua è di a cultura corsa, Scola Corsa sviluppa un retale di scole d'insignamentu immersivu. Quattu stabilimenti sò digià stati aperti in Bastia, Biguglia, Corti è Sarrula è Carcupinu. À a rientrata 2023, scularizeghjanu 110 zitelli.

FONDATION



DU  
PATRIMOÏNE



**Praticalingua**  
lingua face populu



# SCOLA INTERNAZIONALE DI E LINGUE

A Scola Internaziunale di e Lingue puntelleghja i so principii d'insignamentu nant'à u multilinguisimu. Sopr'à locu, si serve omu di a lingua corsa cum'è lingua arnese da praticà un'altra lingua ogettu di studiu.

A maiò parte di a ghjente in u mondu parla parechje lingue è a medità di a popolazione mondiale hè à minimu bislingua.

A Scola Internaziunale hè un'oportunità per tutti i publichi d'affrancassi da u schema monolingu francese purghjendu à ognunu un accessu faciulitatu à u plurilinguisimu.

A lingua corsa face parte di a famiglia di e lingue rumaniche chì conta una miliarda di locutori in u mondu. A piena integrazione di a lingua corsa in a so aghja linguistica apre prospettive di sviluppu di ogni generu.

Al di là di un metudu pedagogicu chì permette d'amparà un sapè fà o una pratica artistica, l'immersione hè un mezu da liberà a parolla è porta à a spressione sciolta di una lingua.

U metudu segundu qualesu « a pratica vince a grammatica », puntellatu nant'à u prammatisimu è l'amparera à fette porghje risultati efficienti in a pratica reale più chè teorica di a lingua ogettu.

A scelta di i furmadori, a multiplicità di i modi d'amparera è a diversità di e tecniche d'insignamentu propie à ogni lingua è paesi accrescenu e pussibilità di progressi per l'amparanti.

L'intercomprensione è a sazietà di i bisogni linguistici necessarii à a cumunicazione plurilingua trà lingue neolatine permettenu di rompe l'idee precuncepite è cum'è omu si figura e lingue di modu stantaratu è monoliticu.

E lingue sò vive perchè sò in mossa, fè mune altrettantu !

**Marti** da 6 à 8 ore di sera : Corsu d'inglese

**Mèrcuri** da 6 à 8 ore di sera : Corsu di talianu

**Ghjovi** da 6 à 8 ore di sera : Corsu di spagnolu & catalanu

**Vèneri** da 6 à 8 ore di sera : Corsu di mandarinu

\* Programme à retrouver sur

**agenda.bastia.corsica**





## **DI GHJENNAGHJU :**

12.01.2024 > **6 ore di sera**

### **[GRAMMÀTICA]**

Turnà à leghje : intricciate è cambierine. Sperienze è cunniscenze nove purtate da Pasquale Ottavi, anzianu professore di l'Università di Corsica in Scienze di l'educazione.

19.01.2024 > **6 ore di sera**

### **[ARCHEULUGIA]**

Pascal Tramoni, Archeòlugu è circatore à l'Università di Marsiglia ci presenterà e so ricerche in quant'à a statuletta di Campu Fiurellu in A Grossa, da a so scuperta à a so scumparsa, storia è interpretazione di un capu d'opara preistòricu acquistatu da u British Museum.

26.01.2024 > **6 ore di sera**

### **[TEATRU]**

Ci presenta U Teatrinu a so última creazione : Coglie e castagne adattata da a scena « Pirandelliana ». Rise è scaccanate, ci emu da campà !



## **FERRAGHJU**

02.02.2024 > **6 ore di sera**

### **[STORIA]**

A storia di i spegnifochi di Bastia, testimonianze è stalvatoghji. Una stonda presentata da Luc Pasquali, spegnifocu voluntariu, cullettore d'archivii è passionatu di storia cù u so cumbottu Louis Luciani, professore di Storia.

09.02.2024 > **6 ore di sera**

### **[PATRIMONIU]**

Pirula, urganettu, pivana, caramusa... Tanti strumenti è tanti soni ligati à u mondu pasturale. Christian Andreani venerà à presentacci issu patrimoniu immateriale. Una stonda da fatti viaghjà annant'à l'invistite vechje...

03.02.24 > 10.02.24 > **6 ore di sera**

### **[LINGUA TALIANA]**

Longu à a settimana, a Casa di e Lingue partenaria di a 36a edizione, riceverà u Festive di u Filmu Talianu per stonde à l'intimu almanaccate cun attori, realizatori è professionisti di l'arte di u sinemà. E date almanaccate sò da scopre ind'è u prugramma di u Festive

14.02.24 > 6 ore di sera

**[SAN VALENTINU]**

A sòsula di una Serata Zlow riesciuta : prima, cumencia à seguitacci annant'è e rete suciale, Insta, Facebook... Dopu, scegli e to canzone d'amore predilette. È, infine, fatti vene per ballà è per sente le in vivu cantate da Thomas Bronzini è a so squatra.

16.02.24 > 6 ore di sera

**[LINGUE]**

« Dimmi qualcosa in Zeneize » !

Michele Ferroni, più cunnisciutu in Terra Ferma sott'à u cugnome di Mike fC, scala in Bastia per parlacci di a cultura ligure. Ingegnere di u sonu, cantadore è artistu, creativu à più pudè, si ghjova di a mùsica è di i mezi oghjichi per rivalutà u zeneise, u dialettu ghjenuvese.

21.02.24 > da 2 ore dopu meziornu à 6 ore di sera

**[SVEGLIU LINGUISTICU]**

Ghjochi olimpichi. Grande ghjustra di i ghjochi tradiziunali di qui è d'altrò annant' à u sacratu di Sant'Anghjuli.

23.02.24 > 6 ore di sera

**[PATRIMONIU]**

Da u portu di Centuri à quellu di Bastia, 60 chilòmetri di corsa per sta Serra di Capicorsu è 3000 metri di dislivellu. Trà i ponti, e torre è e lenze, eccu una bella manera di scopre o di turnà à scopre u patrimoniu capicursinu. Presentazione di sta corsa nuvella generazione cù l'Associu Mantinum.

24.02.24 > 6 ore di sera

**[CORSA IN MUNTAGNA]**

Metti i to scarpi è atteppa per sta famosa Serra di Capicorsu ! Allenamentu è cunsigli, fà cresce u to livellu incù Lambert Santelli. In partenariatu incù l'associu Mantinum. Infurmazione è scrizione à u 06 81 22 99 14

25.02.24 > 6 ore di sera

**[MÙSICA]**

In u mio sonniu. Restituzione di residenza di creazione. Fatta d'arie antiche è d'uperette, di partizione barocche è di cantu tradiziunale, di racontu è di poesia, i trè musicanti è u so inscenadore vi parleranu di a so dimarchja artistica è di u so prugettu cù pezzi di canti è scenette.



## MARZU

08.03.24 > 6 ore di sera

### [CUNCERTU À L'INTIMU]

À l'occasione di a Ghjurnata Internazionale di e Donne, a vostra Casa riceve u gruppu Suarina da fà schiattà l'armunia di e so voce femminile magnifiche.

14.03.24 > 6 ore di sera

### [VEGHJA BASTIACCIA]

In piena nuvena sanghjiseppana, Damien Delgrossi è a Direzione di u Patrimoniu di a Cullettività di Corsica s'appaghjanu per facci sente fondi bastiacci. Cù a partecipazione di memorie vive di a nostra cità, di i Machjaghjoli è di a squadra di l'Almanaccu, entrite ind'una vera cantina bastiaccia cù i so detti è si so vapori.

15.03.24 > 6 ore di sera

### [SAN PATRIZIU]

Si veste di verde è di trifogli a Casa di e Lingue pè festighjà San Patriziu, festa naziunale irlandese, cun u gruppu Contraversu. Soni di qui è d'altrò trà tradizione è creazione, u gruppu aghjaccinu arrega cun ellu u Pop Rock in Sant'Anghjuli.

22.03.24 > 6 ore di sera

### [CUNCERTU À L'INTIMU]

Un si presenta più u gruppu Chjar di Luna, vene ellu à presentacci u so ultimu dischettu cusì aspettatu. Una leva nova accumpagna avà u ceppu di prima, sempre in u listessu solcu. Affaccati per l'anteprema in Casa di e Lingue !

29.03.24 > 6 ore di sera

### [LITERATURA]

Praticalingua presenta à Anghjululasantu Pietrera, circatore assuciatu à l'UMR LISA, duttore in storia cuntemporanea è u so sugettu di dutturatu : La Corse mythes fondateurs et imaginaire national.

\* Programme à retrouver sur

**agenda.bastia.corsica**



**Puntellu di a pulitica culturale di a Cità di Bastia, v'accoglie a Casa di e Lingue inde un quattru cunviviente è vivu chì vole rispechjà l'ambizione per issu terzu locu novu : un spaziu di adunita, di scontru è di tramandera chì vole mette à l'onore u plurilinguisimu è a diversità culturale.**



un lieu **ressource** pour les acteurs privés souhaitant intégrer la **langue corse** à leur projet **économique** ou **associatif**.

une offre plurielle et ouverte accueillant **3 associations** sédentaires : Praticalingua, Canopé, et la Fondation du Patrimoine.

un lieu de **programmation culturelle** à destination de tous les publics, initiés et débutants.

un lieu d'apprentissage **A Scuola Internazionale di e Lingue**.

un espace **pédagogique** à destination de **toute la jeunesse** du territoire : écoles, centres aérés...

# CASA \* DI E LINGUE

Carrughju Sant'Anghjuli  
20200 Bastia

Ouverture  
du lundi au jeudi  
8h-12h / 13h30-20h  
et le vendredi  
8h-12h / 13h30-17h

## CONTACT

Administrateur  
Alex NEGRONI  
☎ 06 17 06 08 49  
✉ anegrone@bastia.corsica  
✉ lingua-cultura-corse@bastia.corsica

 Casa di e lingue

 @casadielinguè

[www.bastia.corsica](http://www.bastia.corsica)

